

**CONSELLERÍA DE INNOVACIÓN
E INDUSTRIA**

Resolución do 12 de febreiro de 2007, da Dirección Xeral de Industria, Enerxía e Minas, pola que se lle dá publicidade á lista oficial dos organismos de control autorizados para actuar na Comunidade Autónoma de Galicia.

Co obxecto de lle dar cumprimento ao establecido no artigo 9º do Decreto 426/2001, do 15 de novembro, polo que se regulan os organismos de control en materia de seguridade industrial e control regu-

lamentario e se crea a Comisión de Coordinación de Seguridade Industrial de Galicia, pola presente resolución ordénase darlle publicidade á lista oficial dos organismos de control autorizados para actuar na Comunidade Autónoma de Galicia, indicando os campos de actuación de cada un deles e o enderezo, teléfono e fax das súas oficinas na Comunidade Autónoma. Esta información relaciónase nos anexos I e II.

Santiago de Compostela, 12 de febreiro de 2007.

Anxo Ramón Calvo Silvosa
Director xeral de Industria, Enerxía e Minas

ANEXO I

Lista dos organismos de control autorizados para actuar na Comunidade Autónoma de Galicia cos seus campos de actuación

Organismo de control	1	2	3	4	5	6	7	8	9	10	11	12	13	14	15	16	17	18	19	20	21
APPLUS NORCONTROL S.L.U.	X	X	X	X	X	X	X	X	X	X	X	X	X		X					X	
ATISAE, Asistencia Técnica Industrial S.A.E.	X	X	X	X	X		X	X				X	X	X							
BUREAU VERITAS Español S.A.	X	X	X	X	X	X	X	X	X			X	X								
CUALICONTROL - ACI S.A.	X	X	X	X	X	X	X	X	X	X		X	X								
ECA, Entidad Colaboradora de la Administración S.A.U.	X	X	X	X	X	X	X	X	X	X	X	X	X	X		X					X
ENMACOSA S.A.		X						X	X	X						X					
EUROCONTROL S.A.	X	X	X	X	X		X	X				X			X						
Grupo de Inspección y Control de Seguridad Industrial S.L.		X																			
INGEIN, Ingeniería de Gestión Industrial S.L.	X	X	X	X			X	X	X	X		X									
SCI, Servicios de Control e Inspección S.A.	X	X	X		X		X	X				X									
SGS Inspecciones Reglamentarias S.A.	X	X	X	X	X	X	X	X				X	X								
SOCOTEC IBERIA S.A.	X	X	X	X	X	X	X	X		X		X									
TÜV Internacional Grupo TÜV Rheinland S.L.	X	X						X													
Campos de actuación																					
1. Instalacións e aparellos a presión (AP)																					
2. Instalacións eléctricas (RE)																					
3. Instalacións de almacenamento de produtos químicos (APQ)																					
4. Vehículos e contedores destinados ao transporte de mercadorías perigosas e perecedoiras (VC)																					
5. Instalacións e aparellos para combustibles gasosos (GC)																					
6. Instalacións frigoríficas (IF)																					
7. Construción de maquinaria con risco (SM)																					
8. Elementos e instalacións de aparellos de elevación e manutención (AE)																					
9. Instalacións térmicas dos edificios (ITE)																					
10. Instalacións contra incendios (ICI)																					
11. Minaría (MI)																					
12. Instalacións petrolíferas (IP)																					
13. Accidentes graves (AG)																					
14. Estructuras metálicas (EM)																					
15. Cables de aceiro (CA)																					
16. Instalacións interiores de subministración de auga (NIA)																					
17. Máquinas recreativas (MR)																					
18. Atmosferas explosivas (AE)																					
19. Equipamentos de detección e medida de CO (ECO)																					
20. Pararraios (PRR)																					
21. Formigón preparado (FP)																					

ANEXO II

Enderezo, teléfono e fax das oficinas dos organismos de control autorizados para actuar na Comunidade Autónoma de Galicia

1. *Applus Norcontrol, S.L.U.*

Estrada N-VI, km 582, 15168 Sada (A Coruña)

Tlf.: 981 01 45 00 / 981 01 48 01

Fax: 981 01 45 50 / 981 01 48 02

Avda. Marqués de Ombreiro 69 baixo, 27004 Lugo

Tlf.: 982 20 08 28, fax: 982 21 59 04

A Batundeira 2, edificio Unión Fenosa, 32960 Velle (Ourense)

Tlf.: 988 60 00 20, fax: 988 60 00 30

Travesía de Vigo 204, 36207 Vigo (Pontevedra)

Tlf.: 986 11 01 50, fax: 986 11 01 70

2. *ATISAE, Asistencia Técnica Industrial S.A.E.*

Polígono industrial Pocomaco, 5ª avenida, parcela D-12, 15190 A Coruña

Tlf.: 981 28 95 33, fax: 981 28 96 19

Dinan 17 - 19, entreplanta B, 27002 Lugo

Tlf.: 982 24 41 56, fax: 982 23 11 75.

Rúa do Paseo 7, 1º esq., 32003 Ourense

Tlf.: 988 37 30 10, fax: 988 37 30 11.

Areal 18, 1º, oficina 8 bis, 36201 Vigo (Pontevedra)

Tlf.: 986 22 46 19, fax: 986 43 40 88.

3. *Bureau Veritas Español, S.A.*

Avda. Fisterra 265 D, 1º, 15008 A Coruña

Tlf.: 981 16 21 60, fax: 981 26 95 92

Rúa Nova nº 39, 1º A, 15705 Santiago de Compostela (A Coruña)

Tlf.: 981 55 41 11, fax: 981 55 42 19

Rúa do Paseo 23, 1º, 32003 Ourense

Tlf./fax : 988 21 69 59

R/ Conde de Torrecedeira nº 67-69 entreplanta, 36202 Vigo (Pontevedra)

Tlf.: 986 22 11 01, fax: 986 43 51 78

4. *Cualicontrol-ACI, S.A.*

Álvarez de Sotomayor 2 baixo, 32002 Ourense

Tlf.: 988 22 12 98, fax: 988 23 91 71

R/ Fernando II, 1 - baixo, 36003 Pontevedra

Tlf.: 986 84 17 78, fax: 986 84 69 41

5. *ECA, Entidad Colaboradora de la Administración S.A.U.*

Praza de Agramar 8, 15172 Perillo-Oleiros (A Coruña)

Tlf.: 981 63 95 94, fax: 981 63 98 08

Romil 46, 1º A, 36202 Vigo (Pontevedra)

Tlf.: 986 48 53 48, fax: 986 48 53 49

6. *Enmacosa, S.A.*

A Torre 2 C, 36979 Adina, Sanxenxo (Pontevedra)

Tlf.: 986 72 44 77, fax.: 986 69 00 37

7. *Eurocontrol, S.A.*

R/ Castiñeiras 110 C, polígono industrial do Milladoiro, 15895 Ames (A Coruña)

Tlf./fax: 981 53 64 88

8. *Grupo de Inspección y Control de Seguridad Industrial S.L.*

R/ María 158, oficina 11, 15401 Ferrol (A Coruña)

Tlf.: 981369525, fax: 981369459

9. *Ingein, Ingeniería de Gestión Industrial, S.L.*

R/ Rafael Alberti 7, 1º B, 15008 A Coruña

Tlf.: 981 17 32 85, fax: 981 17 32 43

10. *SCI, Servicios de Control e Inspección S.A.*

Polígono industrial de Bergondo, parcela R-14, 15165 Bergondo (A Coruña)

Tlf./fax: 981 66 60 89

11. *SGS Inspecciones Reglamentarias, S.A.*
Avda. da Hispanidade 67, 36203 Vigo (Pontevedra)
Tlf.: 986 48 52 09, fax: 986 48 53 32
12. *Socotec Iberia, S.A.*
R/ Arquímedes 7, oficina F-G, 15008 A Coruña
Tlf.: 981 14 43 35, fax: 981 27 84 11
R/ Padre Seixas 40 - entreplanta, 36209 Vigo (Pontevedra)
Tlf.: 986 22 23 93, fax: 986 22 09 93
13. *TÜV Internacional Grupo TÜV Rheinland, S.L.*
Avda. de Esteiro 62, entreplanta 1º E2, 15403 Ferrol (A Coruña)
Tlf.: 981 35 07 11, 981 35 07 22, fax.: 981 30 02 17

CONSELLERÍA DE CULTURA E DEPORTE

Decreto 17/2007, do 8 de febreiro, polo que se declara ben de interese cultural, coa categoría de sitio histórico, o conxunto de fontes termiais das Burgas e o seu contorno delimitado, no concello de Ourense.

O conxunto termal das Burgas, os seus mananciais e o seu soar constitúen un elemento único e representativo directamente relacionado coas orixes da cidade de Ourense, pois elas mesmas conformaron o seu núcleo habitacional orixinario. Son As Burgas e o territorio adxacente ata o río Barbaña un elemento exterior ao actual núcleo urbano pero integrado historicamente nel, unha parte substancial da súa existencia, en uso continuo, onde se desenvolve parte da vida cotiá dos ourensáns.

Sendo as fontes termiais das Burgas un elemento diferenciador da cidade xa desde a súa orixe, cun valor testemuñado desde hai séculos, cumpría adoptar as medidas necesarias para a recuperación deste ámbito fondamente ligado á historia e á identidade propia dos ourensáns, como símbolo da cidade de Ourense e referente singular dos viaxeiros que a visitan.

A cantiga popular identifica as tres cousas que hai en Ourense: o Santo Cristo, a Ponte Romana e As Burgas onde ferve a auga, trazos definidores dunha identidade conformada ao longo dos séculos arredor de tres fitos representativos de momentos históricos diferentes. O Cristo representa a relixiosidade medieval que converteu Ourense en cidade, como sé do bispo. A ponte é o signo do papel de encrucillada de camiños que abre a cidade desde a época romana e que pervive como valor de articulación de Galicia, por estrada ou ferrocarril. E, finalmente, As Burgas, forza matriz e conformadora do núcleo orixinario, don da terra nai aos homes que atopan nas súas nacentes acougo e apoio para a saúde.

E se os dous primeiros tiveron desde sempre un recoñecemento pleno da súa caracterización simbólica e monumental, As Burgas non acadaron esa plasación do simbólico que constitúe o recoñecemento administrativo do seu valor patrimonial. Cómpre, xa que logo, dotalas da protección acorde a ese valor simbólico, testemuñado desde hai séculos, ao cal podemos aproximarnos desde realidades distintas,

todas conformadoras da realidade social do significado e recoñecemento que As Burgas, as nacentes e o seu aproveitamento representan para a cidade de Ourense.

Por tal motivo, a Dirección Xeral de Patrimonio Cultural, no exercicio das competencias atribuídas polo Decreto 232/2005, do 11 de agosto, polo que se fixa a estrutura orgánica dos departamentos da Xunta de Galicia, e en virtude do disposto polo título I da Lei 8/1995, do 30 de outubro, do patrimonio cultural de Galicia, así como polo Decreto 430/1991, do 30 de decembro, polo que se regula a tramitación para a declaración de bens de interese cultural de Galicia e se crea o Rexistro de Bens de Interese Cultural de Galicia, ditou Resolución do 27 de abril de 2006, pola que se incoou expediente para a declaración de ben de interese cultural, coa categoría de sitio histórico, en favor do conxunto de fontes termiais das Burgas e o seu contorno delimitado, no concello de Ourense, e se abriu un período de información pública polo prazo dun mes contado desde o día seguinte ao da súa publicación, co fin de que cantos tiveren interese puidesen examinar o expediente e alegar o que considerasen oportuno na Subdirección Xeral de Protección do Patrimonio Cultural da Consellería de Cultura e Deporte.

A tramitación do expediente levouse a cabo segundo o establecido na Lei 8/1995, do 30 de outubro, do patrimonio cultural de Galicia, e demais disposicións vixentes, polo que procede darlle remate ao procedemento de declaración de conformidade co artigo 12 da Lei 8/1995, do 30 de outubro, do patrimonio cultural de Galicia, e así, por proposta da conselleira de Cultura e Deporte e logo da deliberación do Consello da Xunta de Galicia na súa reunión do día oito de febreiro de dous mil sete,

DISPOÑO:

Artigo 1º.-Declaración.

Declarar ben de interese cultural, coa categoría de sitio histórico, o conxunto de fontes termiais das Burgas e o seu contorno delimitado, no concello de Ourense.

Artigo 2º.-Delimitación.

Delimitar a zona afectada pola declaración segundo a descrición literal e o plano que constan nos anexos I e II do presente decreto.

Disposición derradeira

O presente decreto entrará en vigor o día seguinte ao da súa publicación no *Diario Oficial de Galicia*.

Santiago de Compostela, oito de febreiro de dous mil sete.

Emilio Pérez Touriño
Presidente

Ánxela Bugallo Rodríguez
Conselleira de Cultura e Deporte

ANEXO I

Estrato do expediente de declaración como ben de interese cultural do conxunto de fontes termiais das Burgas, no concello de Ourense.

I. Datos sobre o ben obxecto da declaración.

1. Denominación: conxunto de fontes termiais das Burgas.

2. Localización:

a) Comunidade autónoma: Galicia.